



**ASA<sup>®</sup> BOLNICA**



MEDICAL UNIVERSITY  
OF VIENNA  
INTERNATIONAL







## Naša misija

Unapređujemo zdravlje i kvalitet života pacijenata pružajući im pristupačne zdravstvene usluge najvišeg kvaliteta, učinkovitosti i sigurnosti, brinući se o njihovim potrebama baš kao da se radi o članovima naše porodice.

## Naša vizija

ASA Bolnica svojim fokusom na iskustvo pacijenta i najbolje zdravstvene ishode, te totalnom predanošću kvalitetu i sigurnosti, vrhunskom stručnošću kadra, kao i tehnološkom opremljenošću, model je uspjeha i izvrsnosti u zdravstvenom sektoru BiH i regije.

## Temeljne vrijednosti

Naša predanost i svrha vođeni su našim temeljnim vrijednostima. Zdravlje i zadovoljstvo naših pacijenata nam je, i uvijek će biti, na prvom mjestu. Naš visoki standard i profesionalna etika nam nalaže da nikada ne ugrozimo interes pacijenta zbog bilo kojih drugih interesa.

Usmjerenost  
na pacijenta

Empatičan  
pristup

Integritet i  
etičnost

Predanost kvalitetu  
i sigurnosti

Savremenost i  
inovativnost

# Uvodna riječ

Prva privatna opšta bolnica u Bosni i Hercegovini. Izazov, veliki trud, nova iskustva, motivisani radni timovi, velika želja da projekt uspije i vrhunski ciljevi koje želimo da realizujemo. Visoki građevinski standard, kvalitetna oprema, stručan kadar, sve samo s jednim ciljem – u fokusu je uvijek pacijent i sve je njemu podređeno, s ciljem vrhunske zdravstvene usluge.

Svi zaposleni u ASA Bolnici, igraju važnu ulogu u liječenju i oporavku pacijenata. Posvećeni smo održavanju standarda kvalitetne zdravstvene ustanove pružajući zdravstvene usluge najvišeg kvaliteta, učinkovitosti i sigurnosti.

**Prof. Dr. Mustafa Hiroš, dr. med.**  
Direktor ASA Bolnice i  
voditelj Odjeljenja urologije



ASA Bolnica je prva privatna opšta bolnica u Bosni i Hercegovini. Zasnovana je na savremenim standardima u pružanju zdravstvene njege. Da bi bili u mogućnosti pružiti takvu vrstu njege, pored naših stručnjaka, imamo podršku Internacionalnog Medicinskog Univerziteta u Beču u svim aspektima djelovanja. Tri osnovna stuba djelovanja su briga za majku i dijete, implementacija naprednih tehnologija u medicinskoj praksi i orjentisanost prema pacijentu. Želimo dati svoj doprinos u podizanju kvaliteta, sigurnosti i dostupnosti u pružanju zdravstvene zaštite u našoj domovini i podržati njen dalji razvoj.

**Doc. Dr. Azur Tulumović, dr. med.**  
Medicinski direktor ASA Bolnice i voditelj  
Odjeljenja ginekologije i akušerstva



# Saradnja ASA bolnice i Internacionalnog medicinskog univerziteta u Beču, Austrija

Internacionalni Medicinski Univerzitet u Beču (MUVI) vodeća je međunarodna konsultantska kompanija u području zdravstva, specijalizovana za pružanje rješenja za efikasno upravljanje bolnicama, prijenos znanja i tehnologija te naučnu i istraživačku saradnju.

Internacionalni Medicinski Univerzitet u Beču je među svjetski priznatim liderima u međunarodnom upravljanju zdravstvenim sektorom, pružajući podršku partnerima u planiranju, osnivanju i vođenju bolnica, klinika i akademskih institucija širom svijeta.

Bliska saradnja predstavlja jedinstvenu priliku za ASA Bolnicu i ASA Institut, prednost i garanciju za kvalitet, sigurnost i inovacije.

Bliske veze MUVI-ja s Medicinskim Univerzitetom u Beču, jednim od najstarijih i najvećih medicinskih obrazovnih i istraživačkih ustanova u Europi, pružaju direktan pristup bogatstvu stručnosti i resursima.

Stoga, snaga MUVI-ja leži u njegovoj opsežnoj mreži koja uključuje zdravstvene stručnjake sa Internacionalnog Medicinskog Univerziteta u Beču i njegovih povezanih ustanova, poput Opće bolnice u Beču i drugih visokokvalitetnih zdravstvenih institucija.



Prof. Dr. Roland Fasol, dr. med.  
Internacionalni Medicinski  
direktor ASA Bolnice



# Dobrodošli u ASA Bolnicu

ASA Bolnica je prva privatna opšta bolnica u BiH koja pruža zdravstvene usluge sekundarne zdravstvene zaštite, te planovima uspostavljanja niza selektovanih zdravstvenih usluga tercijarnog karaktera.

Stremimo razvoju centara izvrsnosti i prepoznatljivosti bolnice u sljedećim oblastima:

- Zdravlje majke i djeteta
- Minimalno invazivne terapije u multidisciplinarnom okruženju
- Kvalitet i sigurnost

Osnivanje ASA Bolnice izraz je težnje ka poboljšanju kvaliteta života bh. građana kroz uspostavljanje zdravstvene usluge visokog kvaliteta i sigurnosti.



400+  
budućih radnih mjesta



36.000m<sup>2</sup>  
prostora



180+  
bolničkih kreveta



12 etaža



Moderna  
ambulantna vozila

# Bolnički odjeli

---

Anestezija  
Urgentno zbrinjavanje  
IVF  
Radiologija i interventna  
radiologija

## Hirurške discipline

Opšta i abdominalna hirurgija  
Vaskularna hirurgija  
Otorinolaringologija  
Ortopedija  
Urologija  
Ginekologija i akušerstvo

## Konzervativne discipline

Pedijatrija  
Interna  
Endokrinologija  
Kardiologija  
Gastroenterohepatologija

# Jedinice bolničke podrške

---

## Bolnička laboratorija

Medicinsko-biohemijski laboratorij  
Mikrobiološki laboratorij  
Citološki laboratorij  
Patohistološki laboratorij

Odsjek za transfuzijsku  
medicinu

Bolnička apoteka

# Poliklinika

---

Dermatovenerologija

Oftalmologija

Fizijatrija

Neuropsihijatrija

# Odjeljenje opće i abdominalne hirurgije



Naš iskusan medicinski tim, savremeno opremljena bolnica i tradicionalan pristup njezi čine Odjeljenje opće i abdominalne hirurgije u potpunosti prilagođeno vama i vašim potrebama. Na ovom odjeljenju ističe se visoka stručnost doktora koji su specijalizirani za širok spektar općih i abdominalnih zahvata. Na odjeljenju koristimo savremenu medicinsku tehnologiju, uključujući i laparoskopske hirurške tehnike. Ova iznimna i personalizirana briga za pacijente obuhvata sve aspekte njihovoga liječenja i oporavka.

Član Evropskog udruženja endoskopskih hirurga (EAES) i Udruženja hirurga Federacije Bosne i Hercegovine. Radeći na Klinikama širom Evrope, stekao je znanja iz područja transplantacije jetre (AKH, Beč - Austrija), transplantacije i kardiotorakalne hirurgije (AKH, Beč - Austrija) i laparoskopske hirurgije (IRCAD/EITS, Strasbourg - Francuska). Na Univerzitetском kliničkom centru (UKC) Tuzla bio dio tima koji je radio prvu transplantaciju jetre u BiH u Tuzli 2006. godine i dio tima koji je radio prvu laparoskopsku nefrektomiju u BiH.

“Vaše zdravlje kod nas je u sigurnim rukama i na prvome mjestu, od preoperativne pripreme do konačnoga rezultata”.

**Prof. Dr. Nedžad Kadrić, dr. med.**  
Voditelj Odjeljenja opće i abdominalne hirurgije



## Naše usluge uključuju:

- Liječenje želučanog refluksa endoskopski
- Uklanjanje tumora želuca endoskopski
- Laparoskopska apendektomija, gastrektomija, hemikolektomija, holecistektomija
- Pancreatectomija - Uklanjanje dijela ili cijelog pankreasa
- Uklanjanje tumora na crijevima, uklanjanje tumora jetre, tumora pankreasa
- Obrada povreda donjeg i gornjeg digestivnog sistema
- Obrada dubokih rana
- Liječenje upale debelog crijeva, želuca



# Odjeljenje urologije



ASA Bolnica postavlja standarde u urološkoj njezi, kombinirajući modernu tehnologiju s vodećim stručnjacima. Naša posvećenost istraživanju i edukaciji osigurava da pacijenti uvijek dobivaju najkvalitetniji tretman u regiji. Urološko odjeljenje ASA Bolnice kombinuje naprednu medicinsku tehnologiju i vještine našeg iskusnog tima stručnjaka.

U srcu naše prakse je predanost zdravstvenoj izvrsnosti i personalizovanoj njezi svakog pacijenta. Naš tim se sastoji od više eminentnih urologa posvećenih pružanju vrhunskog liječenja. Pomoću najnovije opreme i težnjom za stalnom edukacijom osoblja, pružamo najmodernije dijagnostičke i terapijske metode u svrhu optimalne urološke njege.

Član Evropskog udruženja urologa i član Ljekarske komore Kantona Sarajevo. Edukator na mnogim klinikama za urologiju (Köln, Innsbruck, Beč, Klinički bolnički centar Zagreb- Rebro, Klinički bolnički centar Sestre milosrdnice). Posvećenost medicini i bogat radni vijek. Autor više od 100 radova. Aktivan učesnik u nastavnim procesima na Medicinskom fakultetu. Nositelj sertifikata za stručno usavršavanje menadžera u zdravstvu, i završen treći stepen zdravstvenog menadžmenta na Ekonomskom fakultetu Sarajevo.

“Brinemo o zdravlju urinarnog sistema i reproduktivnih organa, osiguravajući vitalnu funkcionalnost i dobrobit.”

**Prof. Dr. Mustafa Hiroš, dr. med.**  
Voditelj Odjeljenja urologije



## Naše usluge uključuju:

**Dijagnostika:** Kompletna evaluacija mokraćnog sistema putem uroloških pregleda, ultrazvuka, cistoskopije, i laboratorijskih pretraga

Problemi s mokraćnim sistemom kod muškaraca


Problemi s mokraćnim sistemom kod žena

Muško reproduktivno zdravlje

**Urološka hirurgija kod muškaraca:** Prostataktomija, i drugi klasični i minimalno invazivni zahvati za muškarce

**Urološka hirurgija kod žena:** Ureteroskopija, kolposuspencija i drugi hirurški postupci za žene

# Odjeljenje otorinolaringologije



Pregled otorinolaringologa u ASA Bolnici obavlja se uz detaljan razgovor sa našim pacijentima kako bismo što uspješnije došli do najboljeg rješenja. Kod nas možete doći bez straha, jer je briga o našim pacijentima na prvom mjestu, posebno kada su u pitanju naši najmlađi, a često i omiljeni pacijent. ORL pregled je osnovni specijalistički pregled uha, nosa i grla koji se obavlja zbog čestih tegoba i tegoba uha, grla i nosa. Neke od najčešćih otorinolaringoloških bolesti su upalne bolesti uha, grla i nosa, kao i alergijske bolesti, i u ASA Bolnici pobrinut ćemo se da se svaka bolest i njeni simptomi identificiraju što ranije i što bolje kako bi naši pacijenti mogli zdravo i bez problema nastaviti sa svakodnevnim životom.

Član Evropskog rinosinusološkog društva, član Udruženja endoskopskih hirurga Bosne i Hercegovine. U toku specijalizacije obavio edukacije na KBC Zagreb (Hrvatska) i AK Hietzing Beč (Austrija) i Univerzitetska bolnica Heidelberg (Njemačka). Stručan u endoskopskoj sinusnoj hirurgiji, otorinolaringologiji, kliničkim istraživanjima, medicinskom obrazovanju i medicini. Autor i koautor nekoliko knjiga i radova objavljenih u zemlji i inozemstvu.

"Čuvari vašeg mirisa, okusa i sluha"

**Mr. Sc. Hasan Altumbabić, dr. med.**  
Voditelj Odjeljenja otorinolaringologije



## Naše usluge uključuju:

**Audiološke usluge:** Ispitivanje sluha

Endoskopija

Sinuskopija

Operacije krajnika i adenoida: Tonsilektomija i adenoidectomy za uklanjanje krajnika i adenoida.

Sinusna hirurgija: Hirurško liječenje problema sa sinusima

Hirurško liječenje poremećaja sluha

Laringohirurgija: Hirurške procedure za liječenje problema sa glasnicama i grlom



# Odjeljenje ortopedije



ASA Bolnica centar je stručnosti u oblasti muskuloskeletnog zdravlja. Naša posvećenost istraživanju i edukaciji osigurava da pacijenti uvijek dobiju najkvalitetnije trenutno dostupne tretmane u regiji. Naši vrhunski specijalisti ortopedije, koriste svoje znanje i vještine kako bi dijagnosticirali, liječili i oporavili pacijente, omogućujući im da povrate mobilnost i poboljšaju kvalitet života. Kombinacijom dostignuća tehnologije u rekonstrukciji zglobova, tretmanima frakture mišićno-koštanog sistema, saniranjem povreda kičme i karlice, endoskopskim i minimalno invazivnim hirurškim tehnikama na koštanom sistemu, omogućuju pacijentima da se vrate svojim svakodnevnim aktivnostima bez bola i ograničenja.

Član Udruženja ortopeda i traumatologa u BiH i član Udruženja AO Spine International. Njegovo obrazovanje i radno iskustvo na Zapadu uključuju rezidenciju na UCLA u Los Angelesu, kao i fellowship programe za hirurgiju kičme u Švicarskoj (6 sedmica) i Francuskoj (1 godina, AFSA). Sa bogatim iskustvom u endoprotezi kuka i koljena, kao i u drugim traumatskim i netraumatskim stanjima mišićno-koštanog sistema, ističe se kao stručnjak u svom polju. Više od 20 godina rada kao specijalista ortoped sa posebnim interesovanjem za operacije kičme.

„Muskuloskeletno zdravlje je temelj pokretljivosti i vitalnosti“.

**Doc. Dr. Sc. Aleksandar Vujadinović, dr. med.**  
Voditelj Odjeljenja ortopedije



## Naše usluge uključuju:

- Pregled ortopeda – spinalnog hirurga
- Repozicije preloma sa imobilizacijom
- Punkciju zglobova i aplikacija lijeka u zglobove
- Regionalne blokade
- Davanje fasetnih blokova pod kontrolom C–luka
- Artroskopska operacija koljena i ramena
- Ugradnja totalne proteze kuka, koljena i ramena
- Operativno liječenje preloma nadlaktice, podlaktice, preloma šake, nadkoljenice, podkoljenice kao i preloma stopala minimalno invazivnim tehnikama
- Operacija skolioze i lumbalne kičme
- Kokcigektomija
- Operacija karpalnog kanala

# Odjeljenje ginekologije i akušerstva



Odjeljenje ginekologije i akušerstva ASA Bolnice nudi visokostručnu brigu za žene u svim fazama njihovog reproduktivnog zdravlja, uz tim iskusnih ginekologa i akušera. Fokusiramo se na prenatalnu njegu, siguran porođaj te dijagnostiku i liječenje ginekoloških stanja, osiguravajući udobnost i dobrobit naših pacijentica. Odjeljenje pruža usluge vrhunske kvalitete sa savremenom opremom, a sve to sa ciljem da postane centar izvrsnosti ove specijalnosti u regionu. Naglasak je na minimalno invazivnom hirurškom zbrinjavanju ginekoloških problema. Fokus je na osjećaju sigurnosti i udobnosti pacijentica. Poseban akcenat je na brizi za majku i dijete.

Član Udruženja ginekologa i perinatologa Tuzlanskog kantona, Udruženja endoskopskih hirurga Bosne i Hercegovine i Hrvatske liječničke komore. Tokom specijalizantskog staža boravio u Općoj bolnici Bafalo u državi New York, SAD i šest mjeseci u Općoj bolnici "Sveti Duh" u Zagrebu, gdje je stekao vještine za samostalno izvođenje endoskopskih procedura (histeroskopskih i laparoskopskih) u ginekologiji. Radio kao konsultant u Muhayil General Hospital i Mother and Child Hospital, Kraljevina Saudijska Arabija. Aktivno je učestvovao u istraživačkom projektu o nastanku endometrijalnog karcinoma nakon primjene tamoksifena u tretmanu karcinoma dojke.

"Brinemo o očuvanju zdravlja žena i pružanju podrške tokom trudnoće i porođaja"

**Doc. Dr. Azur Tulumović, dr. med.**  
Voditelj Odjeljenja ginekologije i akušerstva



## Naše usluge uključuju:

- Pregled ginekologa
- Kolposkopija
- Operacija jajnika i jajovoda
- Miomektomija
- Liječenje abnormalnih krvarenja
- Kauterizacija genitalnih bradavica
- Praćenje fetusa (Fetalni monitoring)
- Zbrinjavanje problema s grlicem maternice, sa jajnicima, jajovodima, s rodnicom
- Prirodni porod, carski rez, porod forcepsom



# Odjeljenje za liječenje neplodnosti-IVF



Naše moderno opremljeno IVF odjeljenje pruža napredne tehnike liječenja neplodnosti kako bismo pomogli parovima ostvariti svoj san o roditeljstvu. Stručan tim doktora i medicinskog osoblja posvećen je individualnom pristupu, pružajući visokokvalitetan tretman i podršku tokom cijelog procesa in vitro fertilizacije. U ASA Bolnici, donošenje odluka o liječenju neplodnosti ključno je za nas. Uspješno dijagnosticirati problem i pružiti rješenje za svakog pacijenta, kako bi se optimizirali rezultati liječenja neplodnosti, fokus je naših stručnjaka IVF odjeljenja. S naprednom tehnologijom i individualnim pristupom, osiguravamo da svaki korak vašeg IVF procesa bude pažljivo vođen kako biste imali najbolje šanse za postizanje uspješne trudnoće.

Članica Asocijacije ginekologa i akušerstva i Medicinske asocijacije BIMA (Bosanska Islamska Medicinska Asocijacija). Od 2016. do 2018. godine radila u New Life IVF Centru kao jedna od ginekologa u IVF oblasti te je aktivno izvodila sve procese biomedicinski potpomognute oplodnje. Tokom profesionalne karijere prolazi kroz obuke u organizaciji svjetskih stručnjaka iz oblasti steriliteta, endoskopske hirurgije, endokrinologije i andrologije. Jedna je od najmlađih i najuspješnijih stručnjaka iz oblasti reproduktivne medicine u ovom dijelu Evrope.

"Pružamo pomoć u ostvarenju Vaših snova o roditeljstvu"

**Amela Hodža, dr. med.**  
Voditelj tima Odjeljenja za liječenje neplodnosti - IVF



## Naše usluge uključuju:

- Ginekološki pregled
- Test prohodnosti jajovoda
- Aspiracija ovarijalne ciste
- Terapeutska hidrotubacija ( sono HSG)
- Sukciona kiretaža uterusa nakon pobačaja
- Planiranje i upravljanje reproduktivnim tehnologijama
- Pomoćne reproduktivne usluge, uz nestimuliranu ovulaciju ili ovulaciju stimuliranu klomifen citratom
- Pomoćne redproduktivne usluge, korištenje lijekova za indukciju superovulacije
- Usluga praćenja ovulacije, za cikluse sa induciranom superovulacijom i vještačku oplodnju
- Transvaginalno uzimanje jajne ćelije

# Odjeljenje pedijatrije



Pedijatrijsko odjeljenje ASA bolnice je mjesto gdje naši predani stručnjaci brinu o najmlađima, koristeći kombinaciju znanja i empatije kako bi osigurali da svako dijete odrasta zdravo i sretno. Mjesto gdje se nauka susreće s osmijehom malih pacijenata, stvarajući nevjerovatno srdačno okruženje.

Odjeljenje pedijatrije je specijalizirano za pružanje vrhunskih medicinskih tretmana djeci svih dobnih skupina, od novorođenčadi do adolescenata. Naš tim stručnjaka uključuje iskusne pedijatre i medicinske sestre i posjeduje zavidnu ekspertizu u prevenciji, dijagnostici i liječenju dječijih bolesti i ostalih zdravstvenih problema, osiguravajući siguran i sveobuhvatan pristup brizi za najmlađe pacijente. Naša predanost dječijem zdravlju i udobnosti čini nas pouzdanim izborom za sve roditelje i ostale koji brinu o djeci.

Član Udruženja za evropsku pedijatrijsku i kongenitalnu kardiologiju, kao i Evropskog udruženja dječijih kardiologa te volonterskih organizacija Un Cuore Un Mondo. Školovao se i usavršavao kako u našoj zemlji tako i u inozemstvu na prestižnim univerzitetima. Radno iskustvo stekao u državnim i privatnim bolnicama BiH i zemljama Bliskog Istoka: American Mission Hospital, Maternity and Children Hospital Dammam, Khamis Mushait Maternity i Children Hospital, Kraljevina Saudijska Arabija. Pedijatrijski kardiolog s izuzetnim znanjem i iskustvom u pedijatriji, kongenitalnim i stečenim bolestima srca te neinvazivnim dijagnostičkim postupcima i liječenjem.

“Zdravlje i sreća Vaše djece u sigurnim rukama.”

Mr. Sc. Dario Đukić, dr. med.  
Voditelj Odjeljenja pedijatrije



## Naše usluge uključuju:

Prvi i kontrolni pregled dojenčeta (pedijatar, endokrinolog, kardiolog, pulmolog..)  
Prvi i kontrolni pregled djeteta (pedijatar, endokrinolog, kardiolog, pulmolog..)  
Subspecijalistički pregledi (Endoskopski pregled, neurološki pregled dojenčeta, neurološki pregled školskog djeteta i adolescenta..)  
Respiratorna terapija( Inhalaciona terapija, oksigenoterapija kod novorođenčeta)  
Programi cijepljena (Vakcinacija kod preosetljive djece, vakcinacija novorođenčadi, dojenčadi i djece)  
Palijativna njega



# Odsjek gastroenterohepatologije



Stručna ekipa gastroenterologa djeluje kao sastavni dio Odjeljenja interne medicine i posvećena je očuvanju zdravlja probavnog trakta. S najnovijom dijagnostičkom opremom i terapijskim pristupima pružamo personalizirane tretmane.

Brza i tačna ekspertiza naših stručnjaka osigurava sigurnu dijagnostiku i širok spektar terapijskih opcija, uključujući tretmane za refluksnu bolest, sindrom iritabilnog crijeva, cirozu jetre, i mnoge druge bolesti probavnoga trakta, što su sve ključni faktori za uspješno liječenje.

Jedan od najvećih gastroenteroloških stručnjaka, član ASGE, te član Udruženja gastroenterologa Bosne i Hercegovine. Tokom cjeloživotne edukacije završio je više medicinskih postdiplomskih i drugih oblika treninga: napredni postdiplomski kurs iz endoskopskog ultrazvuka, edukaciju za trening trenera iz gastroenterologije - Svjetsko gastroenterološko udruženje (WGO), brojne edukacije iz oblasti endoskopije, gastroenterologije, hepatologije, ultrazvuka, onkologije, gastrointestinalne hirurgije i kliničke prehrane. Radio kao stariji konsultant - gastroenterolog u Middle East Hospital u Kraljevini Bahrain, te kao stariji konsultant - gastroenterolog u Bahrain Specialist Hospital. Autor je 15 poglavlja u četiri univerzitetske knjige, koautor dviju monografija, kao i dva medicinska vodiča.

**Prof. Dr. Nenad Vanis, dr. med.**  
Voditelj Odsjeka gastroenterohepatologije



## Naše usluge uključuju:

**Opšta gastroenterologija uključuje:** Poremećaje povezane s kiselinom, abdominalne bolove, zatvor i dijareju, sindrom iritabilnog crijeva (IBS) i tretman pretilosti

**Bolesti jetre i žučne kese uključuju:** Bolesti masne jetre, hronični hepatitis

**Upalne bolesti crijeva uključuju:** Kronovu bolest i ulcerozni kolitis

**Endoskopija uključuje:** Gornju gastrointestinalnu endoskopiju (gastroskopiju), kolonoskopiju, endoskopski ultrazvuk (EUS), endoskopsku retrogradnu kolangiopankreatografiju (ERCP), endoskopiju sa nestezijom

**Polipektomiju**

# Odsjek kardiologije



Odsjek kardiologije ASA bolnice posvećeno je uspostavljanju dijagnozi i liječenju srčanih oboljenja. Okupljamo obučene kardiologe s izuzetnom ekspertizom u oblasti srčanih bolesti i minimalno invazivnih intervencija na srcu, pružajući pacijentima najbolju brigu i terapiju za srčane probleme.

Odsjek kardiologije pruža niz dijagnostičkih i tretmanskih intervencija srčanih bolesti i vaskularnih poremećaja. Širok spektar vještina, uključujući interpretaciju elektrokardiograma (EKG), upravljanje koronarnom arterijskom bolešću, dijagnostiku srčanih aritmija i praćenje srčane funkcije. Naši kardiolozi pružaju holistički pristup pacijentima fokusirajući se na prevenciju srčanih oboljenja, putem savjeta o zdravom načinu života, odgovarajućoj prehrani i redovnim kontrolama.

Član Američkog Udruženja internista, član Evropskog kardiološkog društva i Udruženja kardiologa u BiH. Nakon završenog Medicinskog fakulteta obavila klinički staž u Parizu u L' Hopital Saint Joseph". Uslijedila je subspecijalizacija iz kliničke kardiologije na UKC CHUV Lausanne u Švicarskoj, zatim ACP internacionalni Fellowship/subspecijalizacija iz naprednih ehokardiografskih metoda na Kliničkom kardiovaskularnom centru, SAD. Radila na prestižnim klinikama kao Univerzitetska Klinika za kardiohirurgiju Charite u Berlinu, te Univerzitetskoj bolnici u Dizeldorfu, na Odjeljenju za transplantaciju srca i LVAD pacijente. Jedini je dobitnik stipendije Švicarske Vlade iz područja medicine, za subspecijalizaciju iz kliničke kardiologije.



**Mr. Sc. Šejla Šehović, dr. med.**  
Specijalista interne medicine,  
subspecijalista kardiolog

## Naše usluge uključuju:

Preventivni pregledi i savjetovanja

Kontrolni pregledi

EKG (elektrokardiogram),

Holter EKG (24-satni EKG)

Holter krvnog pritiska (24-satna analiza)

Ispitivanje uređaja za elektrostimulaciju srca (pacemaker - PM ili defibrilator - ICD)

Ehokardiografija srca (preko grudnog koša i kroz jednjak)

Implantacija kardioverter-defibrilatora (ICD) za sprečavanje opasnih aritmija

Implantacija resinkronizacijskog pejsmejкера ili defibrilatora (CRT)



# Odjeljenje radiologije i interventne radiologije



Naše Odjeljenje radiologije i interventne radiologije je opremljeno naprednom tehnologijom za dobivanje i interpretaciju slikovnih podataka, pružajući tako ključne informacije koje pomažu u postavljanju medicinskih dijagnoza, planiranju i izvođenju liječenja. S fokusom na preciznost i brzinu, osiguravamo da pacijenti dobiju najbolji mogući tretman za svoje zdravlje.

Član Evropskog i nacionalnog Udruženja Radiologa, kao i Evropskog Udruženja za hibridni imaging. Tokom studija, u okviru strukovnog zvanja, stjecao je iskustvo na klinikama u Barceloni (Španija) i Kuwait City-ju (Kuvajt). Posljednjih 7 godina profesionalno je bio radno angažovan na složenim radnim zadacima kao specijalista radiološke dijagnostike sa posebnim doprinosom oblastima emergency radiology (radiologija urgentnih stanja), neuroradiologije, muskuloskeletne i pedijatrijske radiologije. Učesnik je brojnih međunarodnih i regionalnih seminara i kongresa. Objavio je desetine stručnih radova u indeksiranim časopisima iz oblasti medicinske informatike i radiologije. Koautor je poglavlja knjige - Role of Imaging in small bowel Crohns disease - Endoscopy in small bowel disease.



**Emir Gušo, dr. med.**

Voditelj odjeljenja radiologije i interventne radiologije

## Naše usluge uključuju:

- Digitalna subtrakciona angiografija (DSA)
- CT skeniranje (abdomena, kičme, bubrega, pluća, glave)
- MRI (abdomena, glave, grudnog koša, kičme)
- Mamografija i ultrazvuk dojki
- Rendgenske usluge (abdomena, grudnog koša, kostiju, urotakta)
- Ultrazvučni pregledi (Color dopler, abdomen, vrat, MSK ultrazvuk)
- CT virtuelna kolonoskopija
- CT virtuelna bronhoskopija

# Odjeljenje anestezije, reanimacije i intenzivnog liječenja



Odjeljenje anestezije, reanimacije i intenzivnoga liječenja postavlja standard u brizi i osigurava udobnost naših pacijenata. Obučeni anesteziološki tim koristi u radu napredne tehnike anestezije i postoperativnoga oporavka.

Odjeljenje anestezije, reanimacije i intenzivnog liječenja pruža podršku svim hirurgskim disciplinama. Jedinice intenzivne njege i terapije boli, sastavni su dio aktivnosti ovoga Odjela.

Članica Udruženja anesteziologa BiH, članica Udruženja za terapiju bola, učesnica na velikom broju seminara i kongresa u BiH i inozemstvu. Specijalizirala anesteziju i reanimaciju, subspecijalizaciju iz pedijatrijske i neonatalne anestezije, te magistrirala i doktorirala Edukacije iz oblasti anestezije i pedijatrijske anestezije u zemljama regije i Austrije (University Hospital Graz). U periodu od 2016 do 2020. radila u Kraljevini Bahrain, kao šefica Klinike za anesteziju i intenzivnu medicinu u Middle East Hospital.



**Dr. Sc. Selma Vanis Vatrenjak, dr. med.**  
Voditelj Odjeljenja anestezije, reanimacije i intenzivnog liječenja

## Naše usluge uključuju:

- Opšta anestezija
- Regionalna anestezija
- I.v. sedacija za hirurške i endoskopske procedure
- Ambulantna anestezija
- Anestezija u ginekologiji i akušerstvu
- Anestezija za pedijatrijske pacijente
- Anestezija u gerijatriji
- Anestezija za radiološke procedure
- Preoperativna priprema pacijenta
- Postoperativni tretman u Jedinici intenzivne terapije

# Odsjek endokrinologije



Odsjek endokrinologije ASA bolnice posvećen je pružanju dijagnostike i terapije za endokrine poremećaje. Okupljajući stručnjake iz područja endokrinologije sa znanjem i iskustvom, osiguravamo najbolje moguće tretmane za pacijente s različitim endokrinološkim stanjima. Naš tim endokrinologa specijalizovan je za dijagnostiku i liječenje bolesti poput dijabetesa, poremećaja štitnjače, poremećaja metabolizma, bolesti nadbubrežnih žlijezda i drugih endokrinih poremećaja.

Posvećeni smo holističkom pristupu pacijentima, naglašavajući važnost prevencije endokrinih poremećaja putem edukacije o zdravim životnim navikama, redovnih pregleda i praćenja pacijenata kroz njihov cjelokupni zdravstveni put. Naš cilj je pružiti odgovarajući tretman i poboljšati kvalitetu života naših pacijenata kroz sveobuhvatan pristup endokrinološkom zdravlju.

Aktivna članica Udruženja endokrinologa i dijabetologa Bosne i Hercegovine. Članica Evropskog udruženja Endokrinologa i dijabetologa i Udruženja endokrinologa i dijabetologa Ujedinjenog Kraljevstva, te članica Evropske akademije androloga. Kliničku endokrinologiju magistrirala na Queen Mary univerzitetu u Londonu. Edukaciju i vještine iz oblasti reproduktivne endokrinologije sticala u prestižnim centrima Firenci, Rimu, Solunu i Budimpešti.

"Balans unutar tijela je put ka dugoročnom blagostanju i dobiti"

**Mr. Sc. Anida Divanović, dr. med.**  
Specijalista endokrinologije i dijabetologije



## Naše usluge uključuju:

**Bolesti hipofize:** Hormonalna terapija

**Bolesti nadbubrežne žlijezde:** Hormonalna terapija

**Reproduktivna endokrinologija:** Hormonalna nadomjesna terapija za muškarce, žene u menopauzi i reproduktivnoj dobi

**Dijabetologija i bolesti metabolizma:** Liječenje komplikacija Dijabetesa 1, Dijabetesa 2, rijetkih tipova dijabetesa

**Bolesti parašitne i štitne žlijezde (Hiperparatireoidizam, hipopartireoidizam):** Hormonalna terapija

**Endokrinološke bolesti u trudnoći:** dijagnostika, liječenje, terapija

Farmakološki tretman i nefarmakološki tretman liječenja gojaznosti



# Odjeljenje urgentnog zbrinjavanja



Odjel urgentnoga zbrinjavanja pruža usluge 24 sata na dan, 7 dana u sedmici te osigurava brzu i stručnu pomoć s ciljem prepoznavanja, praćenja i početnog tretmana liječenja pacijenata u slučajevima po život opasnih povreda i bolesti. Naš će tim uspješno zbrinuti slučajeve koji zahtijevaju brzu i stručnu reakciju, te obezbjediti dalje bolničko liječenje u ASA Bolnici ukoliko je potrebna medicinska disciplina u okviru registrovane djelatnosti ASA Bolnice u skladu sa opštim uslovima.

Ukoliko nismo u stanju ponuditi dalje liječenje jer stanje zahtijeva viši nivo zdravstvene zaštite, omogućiti ćemo transport pacijenta posredstvom službe hitne pomoći u najbližu adekvatno osposobljenu zdravstvenu ustanovu. Naš iskusni tim specijalista, medicinskih sestara i tehničara, s dubokim razumijevanjem hitnih situacija i širokim spektrom medicinskih vještina, posvećen je pružanju najbolje moguće intrevencije i spašavanju života.

Članica Udruženja urgentologa Federacije Bosne i Hercegovine. Nizom godina bila angažirana na različitim pozicijama u Ljekarskoj komori Kantona Sarajevo. Završila niz kurseva i obuka iz domena urgentne medicine, edukatorica iz polja urgentnog medicinskog zbrinjavanja. Angažman u radu sa studentima i specijalizantima kao mentorica. Posjeduje edukaciju iz zdravstvenog menadžmenta. Svojim bogatim iskustvom i stručnošću stečenom kroz niz završenih tečajeva i sudjelovanje na različitim konferencijama pruža visoku razinu kvalitete i stručnosti u svojoj praksi (ALS tečaju, ITLS tečaju).

**Mr. Sc. Aida Gavranović, dr. med.**  
Voditelj Odjeljenja urgentnog zbrinjavanja



## Naše usluge uključuju:

- Tretman donjih i gornjih gastrointestinalnih problema
- Hitni pregled kardiovaskularnih problema
- Tretman problema sa donjim i gornjih disajnim putevima
- Hitni pregled traume i ozljeda
- Hitnih pregled ostalih internističkih problema
- Čišćenje dišnih puteva aspiracijom
- Defibrilacija
- Pružanje osnovnih mjera održavanja života (kompresije i ventilacije)
- Primjena kisika putem lične maske i nazalne kanile
- Hitna stabilizacija pri prijelomima i ozljedama
- Hitna postavljanja gipsa i ortoza

# Bolnička laboratorija



Laboratorija pruža različite bolničke i ambulantne dijagnostičke usluge kroz široku lepezu testova za dijagnosticiranje i praćenje stanja pacijenata, uz poštivanje najviših standarda kvaliteta i sigurnosti.

Bolnička laboratorija predstavlja značajnu komponentu svakog zdravstvenog sistema, pružajući informacije i dijagnostičke usluge koje su temelj za postavljanje dijagnoza i praćenje toka liječenja. Naša laboratorijska ekipa posjeduje duboku ekspertizu u analizi različitih uzoraka, a naša predanost je garant preciznosti, brzini i kvaliteti rezultata.

Laboratorija,  
tehnologija,  
iskusni stručnjaci

Najsavremenija tehnologija,iskusni  
stručnjaci  
Ljubazan i profesionalan odnos prema  
korisnicima  
Vrhunska zdravstvena usluga  
Laboratorijski informacijski sistemi



# Kvalitet i sigurnost



Savremeno Odjeljenje za kvalitet i sigurnost u okviru ASA Bolnice odražava našu posvećenost najvišim standardima sigurnosti i kvaliteta zdravstvene zaštite za naše pacijente. Aktivno analiziramo podatke kako bismo identifikovali područja u kojima možemo postići poboljšanja. Istovremeno, otvoreni smo za inovacije i promjene kako bismo uvijek bili u koraku s najnovijim trendovima u zdravstvenoj njezi i prilagodili se dinamičnom okruženju.

Naš glavni cilj je konstantno unapređenje kvaliteta njege i sigurnosti naših pacijenata, a naše Odjeljenje za Kvalitet i sigurnost igra ključnu ulogu u tom procesu. Redovito revidiramo i ažuriramo politike i procedure kako bismo ostali u skladu s najnovijim standardima i najboljom praksom u zdravstvenoj zaštiti. Također, često sarađujemo s drugim odjelima kako bismo prepoznali izazove i razvili strategije za njihovo prevladavanje.

Odjeljenje za kvalitet teži JCI (Joint Commission International) akreditaciji ASA Bolnice. Ova akreditacija je prestižna i priznata globalno, a Odjel je posvećen je ispunjavanju visokih zahtjeva u zdravstvenoj zaštiti u vezi s kvalitetom i sigurnošću pacijenata i osiguravanju da pacijenti dobiju izvrstan tretman uz potpunu sigurnost.





# Poliklinika

## Ambulanta za Dermatovenerologiju:

Dobrodošli u našu ambulantu za Dermatovenerologiju, mjesto posvećeno zdravlju vaše kože, kose i noktiju. Naši dermatolozi predani su Vašem zdravlju i ljepoti Vaše kože. Pružamo visokokvalitetnu dijagnostiku i terapiju za niz dermatoloških stanja, uključujući akne, ekceme, psorijazu i dermatitis. Osim medicinskih rješenja, nudimo i estetske tretmane kako biste postigli besprijekoran izgled i povratili samopouzdanje.

## Ambulanta za Reumatologiju:

Ambulanta za Reumatologiju specijalizovana je za brigu o vašem mišićno-koštanom sistemu. Naš tim reumatologa dijagnosticira i liječi reumatske bolesti koje mogu uticati na zglobove, mišiće i vezivna tkiva. Pružamo terapiju koja vam pomaže suočiti se s bolovima i poboljšava pokretljivost.

## Ambulanta za Fizijatriju:

U ambulanti za Fizijatriju pružamo spektar usluga vezanih uz rehabilitaciju i fizikalnu medicinu. Posvećeni smo uspostavljanju dijagnoza i liječenju raznih stanja, uključujući ozljede mišićno-koštanog sistema, neurološke poremećaje, sportske ozljede i reumatske bolesti. Koristimo savremene terapijske metode kao što su fizikalna terapija, terapija vježbanjem, elektroterapija, kako bismo osigurali optimalnu rehabilitaciju naših pacijenata.

## Ambulanta za Oftamologiju:

Oftamolozi ambulante za Oftamologiju, specijalisti su za dijagnozu i liječenje očnih problema, uključujući katarakte, glaukom, kratkovidnost i dalekovidnost. Pružamo i različite hirurške zahvate, poput operacija katarakte i refraktivnih operacija, kako bismo vam pomogli postići jasniji vid.

## Ambulanta za Neuropsihijatriju:

Ambulanta za Neuropsihijatriju, mjesto posvećeno brizi o vašem mentalnom zdravlju. Naš stručni tim specijalizovan je za dijagnosticiranje i liječenje različitih mentalnih poremećaja i bolesti. Pružamo psihoterapijsku procjenu, psihoedukacije, savjetovanja i podršku. Naš cilj je unaprijediti vašu psihološku dobrobit i kvalitetu života kroz holistički pristup i individualno prilagođene terapije.



# Prednosti ASA Bolnice

---

## Visoki standardi liječenja i praćenje dugoročnih ishoda:

Primjenjujemo savremene tehnologije i metode u dijagnostici i terapiji kao i najviše standarde kvaliteta i sigurnosti. Praćenjem dugoročnih ishoda liječenja kroz stručnu saradnju sa medicinskim ekspertima kontinuirano unapređujemo svoj rad.

## Akadamski obrazovni programi:

Kroz akademsku saradnju sa visokoškolskim ustanovama zdravstvenih usmjerenja u zemlji i inostranstvu omogućavamo stručni napredak našim uposlenicima i pružamo priliku mladim za napredovanje u stručnoj i akademskoj karijeri.

## Savremeni objekat:

ASA Bolnica je opremljena savremenom tehnologijom i projektovana po modernim standardima bolničke njege, što garantuje tretman visoke kvalitete i implementaciju najstrožijih kriterija kvaliteta i sigurnosti kao i pozitivno iskustvo pacijenta tokom boravka i tretmana.

## Saradnja sa vodećim zdravstvenim institucijama:

Kroz uspostavljena stručna partnerstva sa vodećim inostranim zdravstvenim institutima u Evropi i svijetu, omogućujemo našim pacijentima pristup tretmanima i dijagnostici visoke kompleksnosti.

## Napredni programi obuke:

Programima edukacije i obuke stvaramo inspirativan ambijent koji će motivisati mlade ljude, ali i etablirane medicinske stručnjake, na usavršavanje iz svih medicinskih i drugih oblasti. ASA bolnica će biti mjesto u kojem ćemo podržavati mlade talente i slaviti njihove buduće uspjehe.

## Istraživanje, razvoj i inovacije:

Partnerstvom sa ASA Institutom za istraživanje, razvoj i inovaciju težimo uspostavljanju velikog broja naučnih projekata i multicentar istraživanja sa renomiranim institutima iz inostranstva kao i dijeljenje rezultata i zaključaka domaćoj stručnoj javnosti kroz redovne stručne sastanke, radionice i simpozije.



ASA Institut posvećen je istraživanju, razvoju i inovacijama, saradujući s industrijom i zajednicom, podržavajući domaće i međunarodne istraživače, liječnike, poduzetnike i inovatore u aktivnostima usmjerenim na postojeća i buduća područja stručnosti unutar ASA Instituta.

Značajan prioritet unutar strateškog plana Instituta je povećati kapacitet istraživanja, razvoja i inovacija (IRI) u područjima koja imaju jasan društveni i ekonomski uticaj na regiju. Ključna strateška područja fokusa ASA Instituta za budućnost ima za cilj povezati relevantne odjele i osoblje ASA bolnice sa međunarodnim istraživačkim centrima što će osigurati da se IRI aktivnosti prenose na kvalificirane edukativne programe, s obzirom na našu institucijsku filozofiju obrazovanja utemeljenog na istraživanju.

Sve navedeno ima za cilj poboljšati reputaciju ASA Instituta kao agilnog, odgovornog, kreativnog, inkluzivnog i saradničkog partnera. Realizacija strateškog plana u saradnji s ASA bolnicom, omogućit će ASA Institutu ostvariti svoj izraženi cilj da postane prepoznat kao centar izvrsnosti u regiji. IRI se često promatra kao kontinuum, i mi smo ovdje kako bismo pomogli istraživanju i istraživačima u tom kontinuumu, za dobro istraživača, Instituta, regije, zemlje i društva u cjelini.

Član Udruženja genetičara u BiH, Udruženja biohemičara i molekularnih biologa, Doktor prirodnih nauka iz molekularne biologije. Znanje i iskustvo stekla na evropskim i domaćim Univerzitetima, Kliničkim centrima i Centrima za medicinska istraživanja na osnovu čega ima snažnu povezanost sa multidisciplinarnim grupama istraživača, ekspertnim timovima i međunarodnim ustanovama.

“Vjerujemo da prava inovacija proizlazi iz susreta različitih perspektiva, i stimulišemo okolinu koja podstiče saradnju, kreativnost i intelektualnu znatiželju. Radujem se mogućnostima koje predstoje, i sa nestrpljenjem očekujem izvanredne inovacije i napretke koje ćemo postići zajedno.”




Doc. Dr. Sci. Daria Ler  
Direktor ASA Instituta





## Začetak ideje


Eurofarm Centar je osnovan 1999. godine kao rezultat vizije da se stvori jedan od prvih privatnih polikliničkih centara posvećen pružanju kvalitetne zdravstvene skrbi pacijentima. Danas, Eurofarm Centar predstavlja privatnu zdravstvenu ustanovu koja neprestano raste i širi svoje usluge. Ovdje ćete pronaći spoj iskustva, profesionalizma, ljubaznosti, mladosti i zrelosti, usmjerenih na brigu o zdravlju pacijenata.



## Pružamo usluge iz široke palete medicinskih oblasti!

ASA Bolnica i Eurofarm Centar su integralni dio ASA Medical zdravstvenog sistema koji kombinuje iskusne stručnjake, najnovije medicinske tehnologije i individualni pristup kako bi pacijentima pružili najbolju moguću zdravstvenu uslugu. Eurofarm Centar se ponosi bogatom tradicijom u pružanju kvalitetnih, efikasnih, sigurnih i pristupačnih zdravstvenih usluga našim korisnicima.





ASA BOLNICA

Adresa: Džemala Bijedića 127, 71 000 Sarajevo

Besplatni broj za pozive iz BiH: 0800 222 55

Za pozive iz inostranstva: +387 33 555 200

Urgentni centar: +387 33 722 502

[info@asabolnica.ba](mailto:info@asabolnica.ba)

[www.asabolnica.ba](http://www.asabolnica.ba)